

B A S E S PARA A CONTRATACIÓN DE 4 CONDUTORES DE MOTOBOMBA

1.- OBXECTO DA CONVOCATORIA.- Ten por obxecto a presente convocatoria contratar a catro condutores para os vehículos motobomba obxecto do Convenio de colaboración entre a Consellería de Medio Rural e o Concello da Estrada para a participación na prevención e defensa contra incendios forestais.

2.- CONDICIÓNS.- Duración do contrato: 2,5 meses

O horario laboral será xornada completa.

Percibirá a cantidade mensual bruta de 1.377,00 euros, por tódolos conceptos incluídas a parte correspondente das pagas extraordinarias.

3.- CONDICIÓNS DOS ASPIRANTES.- Para poder formar parte na presente convocatoria, os aspirantes deberán estar en posesión, antes do remate do prazo de presentación de instancias, dos seguintes requisitos:

- a) a) Ter a nacionalidade española ou algunha outra que, conforme o disposto no artigo 52 da Lei 2/2015, do 29 de abril, do emprego público de Galicia, permita o acceso ao emprego público. Poden acceder ao emprego público como persoal funcionario en igualdade de condicións coas persoas de nacionalidade española:
 - As persoas que posúan a nacionalidade doutros estados membros da Unión Europea.
 - As persoas, calquera que sexa a súa nacionalidade, que sexan cónxuxes de persoas que posúan a nacionalidade española ou doutros estados membros da Unión Europea, sempre que non estean separadas de dereito.
 - As persoas, calquera que sexa a súa nacionalidade, descendentes de persoas que posúan a nacionalidade española ou doutros estados membros da Unión Europea, sempre que sexan menores de vinte e un anos ou maiores da devandita idade dependentes.
 - As persoas, calquera que sexa a súa nacionalidade, descendentes do cónxuxe non separado de dereito de persoas que posúan a nacionalidade española ou doutros estados membros da Unión Europea, sempre que sexan menores de vinte e un anos ou maiores da devandita idade dependentes.
 - As persoas incluídas no ámbito de aplicación dos tratados internacionais subscritos pola Unión Europea e ratificados por España nos cales sexa aplicable a libre circulación de traballadores.
- b) Ter cumpridos os 18 anos da idade, e non superar a idade máxima de xubilación.
- c) Estar en posesión do título de graduado en educación secundaria obrigatoria ou equivalente, ou en condicións de obtelo na data de finalización do prazo de admisión de instancias.
- d) Non padecer enfermidade nin estar afectado por limitación física ou psíquica que sexa incompatible co desempeño das correspondentes funcións.
- e) Non ter sido separado do servizo de ningunha Administración Pública en virtude de expediente disciplinario nin atoparse inhabilitado, por sentenza firme, para o exercicio de funcións públicas.
- f) Estar en posesión do permiso de conducir tipo C.

4.- PRESENTACIÓN DE SOLICITUDES.- As instancias dirixiranse ó Ilmo Sr. Alcalde-Presidente deste Concello, e serán presentadas no prazo de cinco días, contados a partires do día seguinte da publicación do correspondente anuncio en dous diarios de gran difusión e na web municipal. A presentación de solicitudes poderá facerse ben no Rexistro Xeral do Concello de A Estrada ou ben en calquera das formas establecidas no artigo 38.4 da Lei 30/1992, do Réxime Xurídico das Administracións Públicas e do Procedemento Administrativo Común; as solicitudes que se presenten a través da Oficina de Correos deberán

entregarse nun sobre aberto para ser selada e datada polo funcionario de correos antes de ser certificada. Neste caso resulta aconsellable que os aspirantes comuniquen mediante fax ou correo electrónico durante o mesmo prazo que o de presentación de instancias. Actuarase de igual xeito, no caso de ser presentada a solicitude noutra Administración Pública.

Para seren admitidos a tomar parte na convocatoria, os aspirantes manifestarán na instancia que reúnen todas e cada unha das condicións sinaladas no nº 3 destas Bases.

Con ela acompañarase compulsadas:

- a) Fotocopia do D.N.I.
- b) Fotocopia do carné de conducir tipo C
- c) Fotocopia do título requirido
- d) Xustificante de coñecemento de lingua galega (Celga 3 ou equivalente), de posuilo.
- e) Xustificante do pagamento das taxas de inscrición (a cantidade a aboar serán 15,00 euros os cales serán pagados na Tesourería Municipal ou a través do seguinte número de conta bancario: BBVA: ES17 0182 6246 3202 0036 0191) ; no xustificante de ingreso terá que figurar o DNI do candidato á praza.

Segundo a ordenanza fiscal nº 6, reguladora da taxa por expedición de documentos administrativos, nos procedementos de selección de persoal, non será esixible o pagamento polos conceptos “Dereitos de exame” e “Compulsas” ás persoas desempregadas que figuren como demandantes de emprego, sempre que así o acrediten por medio de certificación emitida polo Instituto Nacional de Empleo ou servizo homólogo da Comunidade Autónoma.

5.- TRIBUNAL CUALIFICADOR.

Estará constituído polos seguintes membros:

Presidente:

Titular: D. Ramón Brea Villaverde (Enxeñeiro Técnico Agrícola do Concello da Estrada)

Suplente: Dña. Julio Fontaiña Couso (Tesoureiro do Concello da Estrada)

Secretario:

Titular: Dña. María Jesús Fernández Bascuas (Administrativo de Administración Xeral do Concello da Estrada)

Suplente: Dña. Mónica Cardona Constenla (Auxiliar Administrativo do Concello da Estrada)

Vogais:

Titular: D. José A. López Villar (Conductor do Concello da Estrada)

Suplente: Dña. M^a Rita Rivas de la Iglesia (Economista do Concello de A Estrada)

Titular: D. Miguel Durán Constenla (Conductor do Concello da Estrada)

Suplente: D. Jesús María Rey Rilo (Conductor do Concello da Estrada)

Titular: Dña. Maria Herminia Porto Valcárcel (Administrativo do Concello da Estrada)

Suplente: Dña. Paula Yebra Rovira (Administrativo do Concello da Estrada)

Unha vez rematado o prazo de presentación de solicitudes publicarase a relación de admitidos e excluídos ás probas, así como a data e lugar de celebración do exercicio obrigatorio.

Os aspirantes excluídos disporán do prazo de 2 días para presentar as alegacións/documentación que consideren oportuna, e subsanar, de ser o caso, o erro que dou lugar á exclusión.

6.- EXERCICIOS OBRIGATORIOS.- Os interesados presentaranse no lugar, día e hora, fixados no intre da publicación da relación de admitidos e excluídos, aos efectos de levar a cabo as probas que a continuación se describen:

1.- Proba teórica: Consistirá na resolución dun exame tipo test, de 25 preguntas con respostas alternativas, sobre o temario que figura no Anexo.

A proba cualificarase de 0 a 10 puntos, sendo necesario 5 puntos para aprobar.

PROBA DE GALEGO

Os/as aspirantes que non demostren o coñecemento da lingua galega a través do correspondente certificado (Celga 3 ou equivalente) terán que realizar obrigatoriamente unha proba específica que demostre tal coñecemento.

Quedarán exentos/as, así mesmo, de realizar a proba específica os/as aspirantes que opten por realizar o exercicio obrigatorio na lingua galega. Os/as restantes opositores/as terán que realizar unha tradución do castelán ao galego, nun tempo máximo de 10 minutos. Serán cualificados como aptos/as os/as aspirantes que realicen a tradución completa no tempo indicado. No caso de non realizar a tradución completa serán considerados non aptos.

2.- Proba práctica: Consistirá no manexo, conducción e utilización do vehículo motobomba.

A proba cualificarase de 0 a 10 puntos, sendo necesario 5 puntos para aprobar.

7.- PUBLICACIÓN DE RESULTADOS E PUBLICACIÓN.- Rematados os exercicios obrigatorios, o Tribunal publicará a relación de aprobados por orde de puntuación. A persoa que que consigan maior puntuación será proposta ó Presidente da Corporación para que faga o nomeamento e se formalice o contrato. Non se poderá propoñer a máis persoas das prazas convocadas. En caso de empate, valorarase ter experiencia nas tarefas de extinción de incendios forestais.

8.- FORMALIZACIÓN DO CONTRATO.- Os candidatos propostos para a contratación someteráanse con carácter previo, á realización das probas físicas de esforzo (banco) e un recoñecemento médico sendo necesario obter a condición de APTO. A formalización do contrato terá lugar en canto os interesados presenten a documentación pertinente.

ANEXO TEMARIO

PARTE ESPECÍFICA

Tema 1.- A defensa contra incendios forestais en Galicia. Os distritos forestais. A rede de radio. Os sistemas de comunicacións. A transmisión de datos dun lume.

Tema 2.- Os vehículos autobomba todo terreo. As bombas de impulsión: mantemento, funcionamento. Conducción en terreo aberto. A aproximación ao lume. Elección do punto de estacionamento e primeiro ataque.

Tema 3.- Lume forestal e o seu comportamento. O ataque directo e indirecto. Os tendidos de mangueira. Coordinación do binomio cuadrilla-vehículo autobomba. A dirección de extinción.

Tema 4.- A toma de auga. O emprego de aditivos: tipos e utilización.

Tema 5.- A seguridade persoal e a prevención de accidentes.

PARTE XENÉRICA:

- 1.- A Constitución española de 1978. Estructura e principios xerais.
- 2.- Os dereitos fundamentais na Constitución española.
- 3.- O Tribunal Constitucional. A Reforma da Constitución.
- 4.- A organización do Estado na Constitución: organización institucional ou política e organización territorial. A Coroa. As Cortes Xerais: referencia ao Defensor del Pueblo. O Poder Xudicial.
- 5.- O Goberno e a Administración. Principios de actuación da Administración Pública. A Administración Xeral do Estado.
- 6.- As Comunidades Autónomas. Estatutos de Autonomía.
- 7.- A Administración Local.
- 8.- O Réxime Local español: principios constitucionais e regulación xurídica. Relacións entre Entes Territoriais. A Autonomía Local.
- 9.- O Municipio: concepto e elementos. O termo municipal.
- 10.- A poboación: Competencias municipais.
- 11.- A provincia: Organización provincial. Competencias.
- 12.- Outras Entidades Locais. Mancomunidades. Comarcas e outras Entidades que agrupen varios Municipios. As Áreas Metropolitanas.
- 13.- As Entidades de ámbito territorial inferior ao municipal.
- 14.- A potestade regulamentaria na esfera local; Ordenanzas, Regulamentos e Bando; procedemento de elaboración e aprobación..
- 15.- Especialidades do procedemento administrativo local. O Rexistro de Entrada e Saída de documentos.

A Estrada, 8 de xullo de 2016
O ALCALDE

Asdo.: José C. López Campos